



# GAOIOIGA O LE SAU, MULIMULI MAI IA TE A'U

Mo afiafi faaleaiga po o le suesueina o tusitusiga paia—pe tau lava o se mea malie!

## O le Taaloga o le Faafetaui o le Ofutau a le Atua

MO TAGATA EFESO

**TALA:** Na aoao mai e Paulo i tatou e oofu “i ofutau atoatoa mai le Atua” (Efeso 6:13–17). Pe a tatou mulimuli ia Iesu Keriso, e pui puia i tatou faaleagaga! Faitau le tala faatusipaia i le itulau e 46 e aoao atili ai.

**PESE:** “Mana o Tusitusiga Paia” (“Musika mo Tamaiti,” ChurchofJesusChrist.org)

**GAOIOIGA:** Sue i le itulau 8 e fai ai se gaoioiga faafetaui. E fesoasoani faapefea le ola i le talalelei ia te oe ia tausia oe ia saogalemu?

## O le Filemu mai le Faaola

MO LE FILIPI; KOLOSE

**TALA:** Pe a faigata mea uma, e mafai ona tatou tatalo mo se fesoasoani. Ona o le Faaola, ua mafai ai ona tatou lagonaina le mafanafana ma le filemu. (Tagai i le Filipi 4:4–7.)

**PESE:** “Le Alofa o Lo’u Faaola” (*Tusipese a Tamaiti*, 42–43)

**GAOIOIGA:** I le itulau e 10, faitau le tala e uiga i se teineitiiti na lagonaina le alofa o Iesu Keriso. Ona mafaufau lea i se taimi na e lagonaina ai le toafilemu ona o Ia. Tusi e uiga i ai pe tusi se ata. Ona auina mai lea ia i matou i le *Uo!* Alu i le faavaa pito i tua e vaai ai pe faapefea.



## Ata o le Lotofaafetai

MO LE 1 MA LE 2 TESALONIA

**TALA:** Na aoao mai Paulo, “Ia outou faafetai i mea uma lava” (1 Tesalonia 5:18). E mafai ona tatou faaalua lo tatou lotofaafetai e ala i le faafetai atu i isi mo la latou fesoasoani. E mafai foi ona tatou faafetai i le Tama Faalelagi pe a tatou tatalo.

**PESE:** “Faafetai I Lo Tatou Tama” (*Tusipese a Tamaiti*, 15)

**GAOIOIGA:** O a nisi o ou faamanuiaga? Tusi pe oti ese ata mai se mekasini o mea e te faafetai ai. Ona avatu lea o lau ata i se tasi e te manao e faafetai i ai.

## Ta ta le Pā’o

MO LE 1 MA LE 2 TIMOTEO; TITO; FILEMONI

**TALA:** E mafai ona e faia mea maoae, e tusa lava po o le a lou laitiiti! O Timoteo o se taitai talavou o le Ekalesia, ma sa aoaoina o ia e Paulo ia avea o se faataitaiga lelei (tagai i le 1 Timoteo 4:12–16). E mafai faapefea ona avea oe ma se taitai ma fesoasoani ia i latou o siomia oe?

**PESE:** “E Manao Iesu Ia Ou Fai ma Sulu,” (*Tusipese a Tamaiti*, 38.)

**GAOIOIGA:** Nonofo i se lio. Faaaoga ou lima po o fasilaau e ta ta ai pā’o i luga o le palapala. E ta e se tagata toatasi se pā’o puupuu, ma kopi uma e isi. Feauuui e avea ma taitai. A uma lou taimi, faamatala atu e uiga i se taimi na avea ai oe ma se faataitaiga lelei i isi.



Alu i le itulau 49 mo gaoioiga o le Sau, Mulimuli Mai ia te A'u mo tamaiti laiti ifo.